

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
GRADONAČELNIK

Broj: 07-189/22
Srebrenik, 08.02.2022. godine

Na osnovu člana člana 38. Statuta općine Srebrenik („Službeni glasnik Općine Srebrenik“, broj: 1/08), člana 5. Odluke o korištenju javnih površina („Službeni glasnik Općine Srebrenik“, broj: 4/09, 2/12, 2/14 i 3/16) i odredbi Regulacionog plana „Centar“ Srebrenik („Službeni glasnik Općine Srebrenik“, broj: 3/15), Gradonačelnik r a s p i s u j e :

K O N K U R S

za prikupljanje ponuda za zakup javnih površina radi postavljanja ljetnih bašti u ulici Alije Izetbegovića u Srebreniku

I PREDMET KONKURSA

Predmet konkursa je prikupljanje javnih ponuda za zakup javnih površina radi postavljanja 2 (dvije) ljetne bašte sezonskog karaktera u pješačkoj ulici Alije Izetbegovića u Srebreniku, kako slijedi:

1. Lokacija broj 1. je kod sahata lijevo gledajući od bašte prema istom, dimenzija 5,0 x 7,3m, površine 36,50 m² i

2. Lokacija broj 2. je kod sahata desno gledajući od bašte prema istom, dimenzija 5,0 x 7,3m, površine 36,50 m².

Predmetne lokacije se daju u zakup na period od 6 mjeseci, tj. april - septembar 2022. godine.

II NAKNADE

Najniža ponuđena cijena naknade za zakup javne površine radi postavljanja ljetnih bašti ne može biti manja od 5,00 KM/m² ljetne bašte za 1 (jedan) mjesec.

III OBAVEZE ZAKUPCA

Obaveze zakupaca koji steknu pravo postavljanja ljetnih bašti na predmetnim lokacijama su slijedeće:

- da u roku od 7 dana od dana konačnosti zaključka o provedenom konkursu izvrši uplatu cjelokupnog iznosa zakupa postignutog na konkursu, te da sa Gradonačelnikom, u roku od 15 dana od dana provedenog konkursa, zaključi ugovor o korištenju javne površine,
- da obezbijedi minimalno-tehničke uslove za obavljanje djelatnosti ugostiteljstva, kao što su sanitarni čvor, šank i sl. u nekom od obližnjih poslovnih prostora,
- da usaglasi izgled ljetne bašte sa nadležnom službom po pitanju izgleda i materijala stolova i stolica, vrste suncobrana, šanka i sl.

IV KRITERIJ ZA VREDNOVANJE PONUDA

Prilikom vrednovanja ponuda od strane konkursne Komisije, kao najpovoljnija ponuda za postavljanje privremenih ljetnih bašti vrednovat će se ona ponuda čija ponuđena cijena zakupnine bude najveća, a u slučaju istih ponuda, prednost ima onaj ponuđač koji je eventualno predmetnu javnu površinu koristio u prethodnoj sezoni.

V USLOVI KONKURSA

Na konkursu za postavljanje otvorenih ljetnih bašti mogu učestvovati sva pravna i fizička lica koja ispunjavaju uslove iz ovog oglasa.

Prijave na Konkurs se podnose pismenim putem na posebnom obrascu i moraju sadržavati slijedeće:

- ovlaštenje za zastupanje na javnom nadmetanju ukoliko se radi o pravnom licu, te punomoć za fizička lica u slučaju kada nisu lično prisutna,
- izjavu ovjerenu od strane nadležnog organa da će prihvatiti sve uslove vezano za izgled ljetne bašte date od strane nadležne Službe,
- dokaz da ima obezbijedene minimalno-tehničke uslove za obavljanje djelatnosti ugostiteljstva, kao što su sanitarni čvor, šank i sl. u nekom od obližnjih poslovnih prostora (saglasnost vlasnika prostora),
- potvrdu o uplati depozita na račun Grada Srebrenik u iznosu od 100,00 KM,
- ponudu za učešće na konkursu sa ponuđenom cijenom mjesečne zakupnine.

NAPOMENA: Lice koje stekne pravo za korištenje ljetne bašte prije otpočinjanja sa radom iste dužno je pribaviti odgovarajuće rješenje o registraciji za obavljanje ugostiteljske djelatnosti.

Ukoliko zainteresovani zakupci žele da učestvuju u nadmetanju za obje lokacije navedene pod tačkom I. ovog konkursa, obavezni su uplatiti depozit i podnijeti prijavu sa ponudom za svaku lokaciju pojedinačno. Plaćanje depozita izvršiti na račun Grada broj: 132150 029 928 0097, vrsta prihoda 722-463 ili na blagajni Grada Srebrenik.

Obrazac za prijem na konkurs i obrazac ponude za učešće na konkursu se može preuzeti u prostorijama Službe za prostorno uređenje i zaštitu okolice grada Srebrenik, uz predočenje uplate depozita u naprijed navedenom iznosu.

Prijavu na konkurs treba dostaviti u zatvorenoj kovrti na adresu: Grad Srebrenik, Stručna služba Gradonačelnika, ul. Varoška polja, 75350 Srebrenik, putem pošte ili na šalteru pisarnice Grada Srebrenik, sa naznakom "ne otvaraj – konkurs za ljetne bašte", najkasnije do **28.02.2022.godine**

VI OSTALI USLOVI

Otvaranje ponuda će se održati dana **10.03.2022. godine** u prostorijama Službe za prostorno uređenje i zaštitu okolice grada Srebrenik sa početkom u 10 sati, a postupak javnog konkursa provest će Komisija za dodjelu građevinskog zemljišta formirana od strane Gradskog vijeća Srebrenik.

Lica koja steknu pravo na postavljanje predmetnih ljetnih bašti, a naknadno odustanu, gube pravo na povrat depozita.

Podrobnije informacije o lokacijama mogu se dobiti svakim radnim danom u prostorijama Službe za prostorno uređenje i zaštitu okolice grada Srebrenik od 7,30-16 sati.

Konkurs će biti objavljen na web stranici i oglasnoj ploči Grada Srebrenik kao i putem radija Srebrenik. Nepotpune i neblagovremene prijave neće se uzeti u razmatranje.

